

3

29. jan.

AUGLÝSING

um aðild Íslands að alþjóðasamningi um sameiginlega greiðslu kostnaðar af tiltekinni flugþjónustu á Íslandi.

Hinn 25. september 1956 var undirritaður fyrir Íslands hönd í Genf alþjóðasamningur um sameiginlega greiðslu kostnaðar af tiltekinni flugþjónustu á Íslandi. Samkvæmt samningi þessum ber Íslandi að láta í té tiltekna flugþjónustu vegna millilandaflugs, en kostnaðurinn greiðist af Íslandi, Bandaríkjunum, Belgíu, Bretlandi, Danmörku, Frakklandi, Hollandi, Ísrael, Ítalíu, Kanada, Noregi, Sambandslýðveldinu Þýskalandi, Svisslandi og Svíþjóð.

Samningurinn gekk í gildi 1. janúar 1957 og féll þá úr gildi samningur milli Íslands og alþjóðaflugmálastofnunarinnar varðandi flugþjónustu á Íslandi frá 16. september 1948 (Stj.tíð. A. 64/1949).

Þetta er hér með gert almenningi kunnugt.

Utanríkisráðuneytið, 29. janúar 1958.

Guðm. Í. Guðmundsson.

Henrik Sv. Björnsson.

4

31. jan.

AUGLÝSING

um samkomulag milli Íslands og Túnis um afnám vegabréfsáritana.

Með erindum, dags. 20. júní og 19. júlí 1957, hafa sendiherrar Íslands og Túnis í Washington gert samkomulag um afnám vegabréfsáritana fyrir borgara annars landsins, sem ferðast vilja til hins, enda sé ekki um launaða atvinnu eða lengri dvöl en þriggja mánaða að ræða.

Þetta er hér með gert almenningi kunnugt.

Utanríkisráðuneytið, 31. janúar 1958.

Guðm. Í. Guðmundsson.

Henrik Sv. Björnsson.